

Luohti – dávvisámeigiellagiid árbevierru

Suomas leat njeallje iežaslágan sámeiguovllu, gos leat iežaset juoiganmálle: Eanodat, Deanuleahki, Vuohču guovlu ja Anár. Dasa lassin nuortalaččain lea iežaset lue´dd-árbevierru. Sápmelaččat leat dábálaččat juoigan dušše bearraša, soga ja oahppásiid gaskkas, nuohat ja sánit leat sirdásan njálmmálaččat olbmos nubbái. Juoiganárbevierru lea sápmelaš servodaga siskkáldas gulahallan, man mearkkašupmi rahpasa dušše lagaš olbmuide. Juoigama mearkkašupmi lea muitit ja muitalit olbmuid, sajiid ja dáhpáhusaid. Juigosiid dahje luodi earenoamášvuohta lea dat, ahte luohi govve/muitala čuožahagas iešvuođaid ja dan dihte luodi oamasta dat, geas luohi muitala, ii luodi dahkki. Ludiid lassin dávvisámeigiellagiid musihkkaarbeviriid gullet lávlagat, sálmmat ja árbevirolaš ealáhusain geavahuvvon jietnageavaheapmi.

1. Eanodaga juoiganvuohki

Eanodagat hállet dávvisámeigiela oarjesuopmana ja luodiinge lea iežas suopman. Juoiganstávvalat leat dábálaččat *non-non*, *nun-nun* dahje *lol-lol*. Jiena buvttadeapmi lea čárvunlágan ja teavsttain leat ollu symbolat dahjege áššit eai muitaluvvo njuolggá. Olbmot sáhttet juoigat maiddá ovttas ja dalle juoigan sáhtta bistit guhkkáge.

*Rádjegomuzet lei juo
Badjel juo rájiid njolggidii juo
Lihkká dat bodii ruovttui juo go
Buorrehan vuodjit lei jo
Rádjegomuzet namma lei juo...*

2. Deatnoleagi juoiganvuohki

Deatnoleagis hállet dávvisámeigiela nuortasuopmana. Deanuleagi juoiganmálles jienageavaheapmi lea dipmásut go oarjjabealde ja jiena register lea lahka hállangiela. Juigosiin geavahit dajaldagaid ja vearssa loahpas lea dihtolágan rállahallan.

*Na lo-la-a lo-o-la lo-la-a lo-o-la, lo-lo-o lo-o-lo lo-loo loo-lo,
Lantto lei dan Juhána go, lo-loo loo-le lo-loo loo-la,
lo-loo loo-la lo-laa loo-la, lo-loo loo-le lo-loo loo,
lo-loo loo-la lo-laa loo-la, lo-loo loo-le lo-loo loo,
lo-loo loo-la lo-laa loo-la, lo-loo loo-le lo-loo loo...*

3. Vuohču juoiganvuohki

Vuohču musihkkaarbeviriid lea šaddan guvlui fárren Eanodat sápmelaččaid luohteárbevieru vuodul ja rievdan iežasláganin áiggi mielde. Luodit leat lávlagiid láganat ja geardunvearssat leat guhkit. Melodiija nuppástuvvá vearssas nubbái. Jietna buvttaduvvo guoggomasain ja juoigi luoitá áimmu olggos dušše uhcán.

*Áhku eallu joradii juo vihttalot
jagi Vuomečielggi áittis, loiloloilo
Hei Lo-lo-lo-loo-le-lo-lo-loo-le-lo-loo
Lo-lo-lo-loo-le-lo-lo-loo-le-lo-loo...*